



汕頭普寧同鄉會沿革史略

林亦材

本會創于民國九年，當時，因地方之封建勢力未除，軍閥之熱焰兜張，兵戈擾攘，漫無已時；尤以軍旅往來，徵歛頻繁，普寧首當其衝，負擔較他縣特重。而地方豪紳猾吏，復從而上下其手，出納不均，弱小之負擔加重焉。因是民苦苛煩，輒多逃亡，不得寧處。旅汕同鄉，林君志見，許君宛如，與紳商工學各界，不忍坐視，遂出而組織普寧旅汕同鄉會，聯絡同鄉感情，共謀桑梓之興利除弊，而以林許二君分任正副會長，處理一切會務。無何，會務進展殊速，會址大感不敷分配，於是特發起募捐，由草創進為久遠，而於民十二年卜地于本市海平路，鳩工庇材，建築今址，會址落成，除一部份足供辦公外，餘則加辦普寧旅汕小學校，以為百年大計作育人材之基礎。迨民十九年，林君因宦遊在外，許君以商會事務羈絆未能再肩，乃由會長制改為常務委員制，而以楊君聘三，賴君子靜，黃君偉卿等承其乏。旋本市開闢海平路，本會門前隙地既廣且多，即由楊君聘三，倡建本會前樓。樓成，自茲以往，會址校務均綽有餘裕外，復將其左右餘屋出賃，收其歲入租金，充作本會常年經費，會務於是乎得以順利進行。抗戰軍興，潮汕陷落，各常委避禍內地，會務乃告停頓。復員伊始，遭此長期戰禍之後，會址殘破不堪，頹垣敗瓦，時有傾圮之虞，乃由前會長林君志見，許君宛如，及前常委賴君子靜，楊君聘三等，將本會一二層樓出租，以其所得充作修理費并開大會選舉復員後第一屆理事，楊君聘三，賴君子靜，張君聲康被選為常務理事，林君志見被選為常務監事。去年七月改選，賴君子靜因年老不肯再肩，張君聲康又以任職市府，勢難兼顧，故由大會選舉楊君聘三，張君公俠，及亦材充任，同時并由各殷商巨賈解囊捐資助，會務乃得繼續維持，發揚光大。回溯本會自創始至今，為期已近三十年，其中之造福桑梓，改良社會，以及地方應興應革事宜，貢獻特多，對於貪污土劣攻擊尤不遺餘力。以往成績，彰彰在人耳目，竊始究源，固林許二君之力獨多，而解囊捐資助本會之海內外僑商巨賈與乎努力繼起之人員，亦為本會成功之因素。所謂獨力難支，眾擎易舉，倘非羣策羣力，曷克臻此？爰將本會創始本末及沿革梗概，略述之以饗讀者，使後人知所觀感焉。

陳順發

D號三八一律打里實洲星

本號專營歐亞
什貨京菓罐頭
食品玻璃磁器
用具諸君光顧
一律歡迎
主人：陳賜錦啓

永泰號

店東：鍾順意

經營項目
京菓什貨
中西罐頭
食品磁器
用品歡迎
各界惠顧

住址：星洲實里打律一七九號H